

[Missing]

PREAMBULO

Nũxũ tacuaxgũ rũ guxũma ĩ duũxũgũ rũ nawũxigu i Tupanapexewa rũ tataxuma ya texé i togũarũ yexera ixĩxẽ. Rũ name nixĩ na nataãẽgũxũ ĩ guxũma ĩ duũxũgũ. Rũ ngẽmacax tama tanaxwaxe i texé nũxũ tarũporamaẽ ĩ togũ i duũxũgũ rũ ẽrna chixri namaã tachopetũ.

Nũxũ tacuaxgũ rũ ñuxguacũ rũ togũ i ãẽxgacũgũ rũ chixri nũxna nadau i norũ duũxũgũ rũ chixri namaã nachopetũ. Rũ wũxi i taxũ ĩ chixexũ nixĩ ĩ ngẽma ĩ guxũ ĩ duũxũgũpexewa. Rũ ñuxma tanaxwaxe i guxũ ĩ duũxũgũ i guxũ ĩ naãnewa rũ meã namaxẽ. Rũ tama name na texé nachuxuxũ ĩ ngẽma nũxũ yaxuxchaũxũ ĩ duũxũgũ. Rũ tama name na texé nachuxuxũ ĩ ngẽma nũxũ yaxõgũaxũ ĩ duũxũgũ. Rũ tama name ĩ togũxũ na namuẽxũ ĩ duũxũgũ.

Rũ tanaxũmatũgũ i ñaã oregũ erũ tanaxwaxe i ãẽxgacũgũ meã nũxna nadaugũxũ ĩ norũ duũxũgũ. Erũ tama tanaxwaxe i yixcũra tacũ rũ chixexũcax norũ ãẽxgacũmaã nanuẽ ĩ duũxũgũ rũ namaã nũgũ nadaĩ.

Tama name ĩ wũxi i nachiũãne rũ to i nachiũãnemaã nũgũ na naãaixũ.

Poperawa tanaxũmatũgũ rũ guxũma ĩ nachiũãnecũãxgũ i duũxũgũ rũ nawũxigu i Tupanapexewa rũ tataxuma ya texé ta togũarũ yexera ixĩxẽ. Rũ yatũgũ rũ ngexũgũ rũ nawũxigu, rũ wũxichigũ rũ name. Rũ name nixĩ na naxãxchiruxũ ĩ guxũ ĩ duũxũgũ rũ name nixĩ na naxãwemũxũ. Rũ name nixĩ ĩ meã nũgũmaã na namaxẽxũ ĩ duũxũgũ rũ tama nũgũ na naãaixũ.

Rũ guxãma ĩ yixemagũ i ngutaquexegũxũ rũ tapuracũechaũ na nũxũ nangũxẽẽgũxũcax i guxũma ĩ duũxũgũ na aixcũma meã namaxẽxũcax rũ nataãẽgũxũcax.

Rũ ñuxma tanaxwaxe i guxũma ĩ duũxũgũ nũxũ nacuaxgũ i ngẽma uneta. Rũ ngẽmacax name nixĩ na meã naxũmatũgũxũ na nũxũ nacuaxgũxũcax i guxũma ĩ duũxũgũ.

GUXÃMA Ĩ YIXEMA Ĩ GUXŨ Ĩ NACHIŨÃNEWA NE ĨXÊ

Rũ nũxũ tixu rũ ñatarũgũgũ:

Rũ nangẽxma ĩ maxũ ĩ mexũ ĩ guxũ ĩ duũxũgũcax ixĩxũ, rũ taxucũrũwa i texé tanachuxu i ngẽma. Rũ tanaxwaxegũ i guxũ ĩ nachiũãnecũãx i duũxũgũ nũxũ nacuaxgũ i ngẽmachiga. Rũ ngẽmacax rũ name nixĩ na guxũwama duũxũgũ nanagũxẽẽgũxũ ĩ ngẽmachiga, na guxũma ĩ duũxũgũ nũxũ nacuaxgũxũcax.

ARTICULO 1.

Ngẽxguma nabuxgu i duũxũgũ rũ guxũma nawũxigu, rũ tataxuma ya texé ya togũarũ yexera ixĩsẽ. Rũ guxũma naxããẽgũ rũ ngẽmacax rũ name nixĩ na nũgũmaã namecũmaxũ ĩ guxũma ĩ duũxũgũ.

ARTICULO 2.

Rũ name nixĩ na wũxichigũ i duũxũ meã namaxũxũ ngẽxgumarũ ĩ ñaã popera nũxũ ixuxũrũ. Rũ taxucũrũwa i texé tanachuxu i ngẽma. Rũ nũẽta i ngexta nabuxgu i wũxi i duũxũ, rũ ẽrna tacũ rũ duũxũ yixĩxgu. Rũ nũẽta ega yatũ yixĩxgu rũ ẽrna ngexũ yixĩxgu. Rũ nũẽta i tacũ i nagawa yadexaxgu rũ ẽrna ñuxãcũ Tupanaãxũ yaxõõgu. Rũ nũẽta ega tacũ rũ ãẽxgacũtanũxũ yixĩxgu rũ ẽrna tacũgu naxĩnũgu. Rũ nũẽta ega namuãrũ dĩẽruãxgu rũ ẽrna tama. Erũ guxũ ĩ duũxũgũcax nixĩ ĩ ñaã maxũ ĩ mexũ.

Rũ nũẽta ega tacũ rũ nachiũãnecũãx yixĩxgu i wũxi i duũxũ, erũ guxũ ĩ nachiũãx i duũxũgũcax nixĩ ĩ ñaã maxũ ĩ mexũ.

ARTICULO 3.

Rũ ngẽxguma tama tacũ rũ chixexũ naxũxgu i wũxi i duũxũ rũ taxucũrũwa wũxi i ãẽxgacũ nũxna nanachuxu i tacũ i mexũ ĩ nagu naxĩnũxũ rũ taxucũrũwa naxãũxũneãcũ rũ ẽrna napoxcuaxũ rũ ẽrna yamaãxũ.

ARTICULO 4.

Rũ ngẽxguma togũãxũ napuracũgu i wũxi i duũxũ name nixĩ na nayauxãxũ ĩ natanũ. Rũ tama name na ngetanũãcũma na napuracũxẽẽãcũ.

ARTICULO 5.

Rũ tama name na wũxi i ãẽxgacũ nũxna na naçuaixcaxũ ĩ wũxi i duũxũ rũ ẽrna chixri namaã naxũpetũ wũxi i airurũrũ.

ARTICULO 6.

Rũ marũ name na ãẽxgacũpexewa na nanguxũ ĩ ngexũrũxũ ĩ duũxũ na norũ guxchaxũ yaxuxũcax na namexẽẽãxũcax.

ARTICULO 7.

Rü ãëxgacüpehexewa rü guxūma ĩ duūxūgü rü nawūxigu. Rü name nixĩ ĩ ãëxgacü na nüxū rüngūxëëxū ĩ guxūma. Rü tama name na chixexū namaã naxūxū ĩ wūxi, rü nüxū na nangūxëëxū ĩ to, erü guxūma ĩ duūxūgü rü nawūxigu.

ARTICULO 8.

Rü ngëxguma texé tacü rü chixexū wūxi i duūxūmaã taxūxgu rü name nixĩ na ãëxgacüpehexewa na naxūxū ĩ ngëma duūxū. Rü marü name na ãëxgacümaã nüxū na yaxuxū na ãëxgacü namexëëxūcax i ngëma.

ARTICULO 9.

Rü ngëxguma tama tacü rü chixexū naxūxgu i wūxi i duūxū rü taxucürüwa wūxi i ãëxgacü nanapoxcu. Rü taxucürüwa norü nachiũñewa ĩnanataxūchi.

ARTICULO 10.

Rü ngëxguma wūxi i duūxū to i duūxūxū ixuãxūgu rü taxucürüwa ãëxgacü nanapoxcu ega tama meã nüxna nacaxiragu i ngëmachiga.

ARTICULO 11.

Rü ngëxguma wūxi i duūxū to i duūxūxū ĩnaxuãxūgu rü taxucürüwa i ãëxgacü nüxū nixu na aixcūma wūxi i chixexū na naxūxū ega tama meã nüxna nacaxiragu i noxrix.

Rü ngëxguma tama ãëxgacü nachuxuxgu i noxrix, rü taxucürüwa i yixcūra rü wūxi i duūxū napoxcu naxcax i ngëma. Rü taxucürüwa poraãcü nanapoxcu ega tama nataxgu i ngëma chixexū ĩ naxūxū ĩ wūxi i duūxū.

ARTICULO 12.

Rü ngëxguma tacü rü chixexū naxūxgu i wūxi i duūxū rü taxucürüwa i ãëxgacü nanapoxcu i naxmāx rü ɛxna naxācūgü naxcax i ngëma. Rü taxucürüwa ãëxgacü ngëma duūxūpatagu naxūcu rü ɛxna ngëma duūxūārü carta niwāxna. Rü taxucürüwa ãëxgacü nüxū nixu i tacü i ore i chixexū ĩ ngëma duūxūchiga, erü nachuxu i ngëma.

ARTICULO 13.

Rü ngëxguma chi ngextá naxūxchaūgu wūxi i duūxū ĩ nachiũñewatama rü taxucürüwa ãëxgacü nanachuxu i ngëma.

Rü ngëxguma chi to i nachiũñewa naxūxchaūgu rü taxucürüwa ãëxgacü nanachuxu i ngëma. Rü taxucürüwa nanachuxu na nataeguxū.

ARTICULO 14.

Rü ngëxguma wūxi i ãëxgacü chixexū namaã ūxchaūgu i wūxi i duūxū rü marü name na ngëma ãëxgacüchaxwa yaxūxū rü to i nachiũñewa naxūxū.

Natürü ngëxguma aixcūma wūxi i chixexū naxūxgu i ngëma duūxū rü marü name ĩ ãëxgacü nanataeguxëë na napoxcuāxūcax.

ARTICULO 15.

Marü name na wūxichigü i duūxūāxū na nangëxmaxū ĩ norü bupane rü nachiũñe.

Taxucürüwa wūxi i ãëxgacü nanapu i wūxi i duūxūārü bupane. Natürü ngëxguma nanaxwaxegu i wūxi i duūxū rü marü name na nüxna na yaxūxū ĩ ngëma nachiũñe na to i nachiũñewa naxūxūcax na ngëmaxūāx yixixūcax.

ARTICULO 16.

Ngëxguma nayaxgu i yatü rü marü name na naxāmaxū. Rü ngëxgumarü ĩ ngexūgü rü ngëxguma nayaxgu rü marü name na naxātexū. Rü nüëta ega tacü rü duūxū yixixgu i nūmagü rü ɛxna tacü rü nachiũñegūāx yixixgu rü ɛxna tacü rü machiũñecūā yixixgu rü ɛxna ñuxācü Tupanaāxū yaxōāgu. Rü taxucürüwa texé nüxna tanachuxu i ngëma na naxāmaxū rü ɛxna naxātexū rü ɛxna naxāxācūxū. Rü ngëma yatü rü ngëma ngexū rü nawūxigumare.

Rü ngëxguma tama naxātechaūgu i wūxi i ngexū rü taxucürüwa texé tanamu na naxātexūcax. Tü ngëxgumarü ĩ yatūxū rü ngëxguma tama naxāmaxchaūgu rü taxucürüwa texé tanamu na naxāmaxūcax.

Rü marü name na naxāmaxū rü naxātexū rü naxāxācūxū ĩ duūxūgü. Rü name nixĩ na ãëxgacü rü ngëma duūxūgūxū ĩnapoxūxū rü nüxna na nadauxū.

ARTICULO 17.

Rü marü name na wūxichigü i duūxū rü nüxū nangëxmaxū ya napata rü norü nañne rü norü ngëmaxūgü. Rü ngëxguma chi to i duūxūmaã yatoyechāūāgu i norü ngëmaxūgü gü marü name na yatoyëxū.

Rü taxucürüwa texé wüxi i duïxüna tanapu i norü ngëmaxügü rü napata rü ɛxna tacü i to i nüxü ngëxmaxü.

ARTICULO 18.

Rü wüxichigü i duïxü rü marü name na nüma nanaxwaxexüäxüma nagu na naxinüxü ɛxna Tupanaäxü na yaxôoxü. Natürü ngëxguma toäcuma nagu naxinüchaügu rü ɛxna toäcuma Tupanaäxü yaxôxchaüagu rü taxucürüwa texé nüxna tanachuxu i ngëma. Rü ngëxguma togümaä nüxü yaxuxchaügu i ngëma nagu naxinüxü rü ɛxna yaxôxü rü ngëma rü ta rü name. Rü ngëxguma nüxicatama Tupanaäxü yaxôxchaüagu rü ngëma rü name. Natürü ngëxguma togümaä nangutaquexechaügu na Tupanaxü yacuaxüxügüxüçax rü ngëma rü ta name rü taxucürüwa texé tanachuxu i ngëma.

ARTICULO 19.

Rü wüxichigü i duïxü rü marü name na nüma nanaxwaxexüäcuma nagu na naxinüxü rü taxucüma texé nüxna tanachuxu i ngëma. Rü taxuacüma texé tanapoxcu naxçax i ngëma nagu naxinüxü. Rü taxucürüwa texé tanachuxu na togümaä nüxü na tixuxü i ngëma nagu tarüxinüxü.

ARTICULO 20.

Rü ngëxguma nangutaquexechaügu i wüxi i duïxü rü taxucürüwa texé nüxna tanachuxu i ngëma ngutaquexe. Taxúema nüxna tanachuxu i wüxi i duïxü ega tama nanaxwaxegu na wüxi i ngutaquexetanüxü nügu yaxixëëxü.

ARTICULO 21.

Rü ngëma na äëxgacüxü yangucuchixëëxü i wüxi i duïxü rü guxü i duïxügümëxëwa nangëxma i ngëma.

Rü name nixi na äëxgacü nüxü rüngüxëëxü i guxüma i ngëma duïxügü i naxmëxwa ngëxmagüxü.

Rü name nixi na nangutaquëxëgüxü i duïxügü na meä nüxü naxunetaxüçax i norü äëxgacügü. Rü name nixi na wüxichigü nüxü naxunetaxü i na ngexürüxü i äëxgacü nanaxwaxëgüxü.

ARTICULO 22.

Rü name nixi na äëxgacü nüxü rüngüxëëxü i guxüma i norü duïxügü na meä namaxëxüçax rü taxuma tacü rü chixëxü namaä naxügüxüçax i ngëma norü duïxügü.

ARTICULO 23.

Rü name nixi na wüxichigü i duïxü nüxü na nangëxmaxü i norü puracü. Rü taxucürüwa texé nüxna tanachuxu na napuracüxü nawa i ngëma norü puracü i nüma nanaxwaxexü. Rü taxucürüwa texé tanamu nawa i wüxi i puracü i tama nüma nanaxwaxexü.

Rü name nixi na wüxichigü i duïxü fü nayauxäxü i natanü naxçax i norü puracü. Rü ngëxguma ñuxre i duïxügü napuracüegu i wüxi i puracüwa, rü ngëxguma nawüxiguxgu i ngëma norü puracüwa, rü name nixi na nawüxiguxü i natanü i ngëma puracüçax nayauxgüxü.

Rü ngëxguma wüxi i duïxü rü to i duïxüna naxäägu i wüxi i puracü rü name nixi na meä nüxü na naxütanüäxü. Erü name nixi na wüxichigü meä nayaxuxü i natanü na ngëmamaä meä nüxna na nadauxüçax i ngëma naxmëx rü naxäcügü.

Rü ngëxguma ñuxre i puracütanüxügü wüxigu puracüchaügu na meä nüxü naxütanügüäxüçax rü taxucürüwa texé tanachuxu nüxna i ngëma.

ARTICULO 24.

Rü guxüma i duïxügü rü name na nangügüxü i ñuxguacü na tama guxüguma napuracüexüçax. Rü ngëxguma wüxi ya taunecü wüxi i corixütawa napuracügu i wüxi i duïxü rü name nixi na ngëma cori nüxna na nxäxü i ñuxre i ngunexü na nangüxüçax. Rü name nixi na ngëma ngunexügü i nagu nangüxü i ngëma cori nüxü na naxütanüxü naxçax i ngëma ngunexügü i nagu nangüxü i ngëma norü duïxü.

ARTICULO 25.

Rü name nixi na meä namaxüxü i wüxichigü i duïxü na tama yaäaawëxüçax i nüma rü naxmëx rü ɛxna naxäpataxü i wüxichigü i duïxü. Rü ngëxguma yaäaawëxgu rü name nixi na nangëxmaxü i norü duturu. Rü ngëxguma taxuacüma norü puracüxü iyangauxgu i wüxi i duïxü rü name nixi na äëxgacü nüxü rüngüxëëxü. Rü ngëxguma nayutegu rü ɛxna poraäcü nayaxgu i wüxi i duïxü rü nüxü natauxgu i ngëma norü ngüxëëruü, rü name nixi na äëxgacü nüxü rüngüxëëxü.

Rü name nixi na äëxgacü nüxü rüngüxëëxü i ngëma ngexügü i äxäxügüxü. Rü ngëxgumarü ta name nixi na äëxgacü nüxü rüngüxëëxü i guxüma i buxügü woo naxänatügu rü ɛxna nangenatügu.

ARTICULO 26.

Rü name nixĩ na poperaxũ nacuaxgũxũ ĩ guxũma ĩ duĩxũgũ. Rü tama name na buxũgũ naxũtanũgũxũ naxcax i ngẽma na nangũexũ. Rü name nixĩ na guxũma ĩ papagũ rü norũ buxũgũxũ namuxũ na nangũexũcax. Rü ngẽxguma secundáriawa rü ẽxna institútowa rü ẽxna universidáwa naxũxchaũgu i wũxi i naxãcũ rü name nixĩ na ngẽma naxũxũ ega chi aixcũma mexũ ĩ buxũ ĩ ngũxwaxexũ yixĩxgu.

Rü ngẽma buxũgũarũ profesórgũ rü name nixĩ na meãma nangũexẽẽãxũ ĩ buxũgũ na meã guxũ ĩ duĩxũgumaã namaxẽxũ. Rü taxúena nachúxaxũcax na nũgũ nangechaũgũxũ ĩ wũxichigũ i nachiũãne rü ẽxna duĩxũgũ i to i nagawa idexagũxũmaã rü ẽxna nũxũ yaxõõxũ na ngẽmaãxũ nataãẽgũxũcax.

Rü ngẽxguma wũxi i papa rü wũxi ya escuela ya mexũnewa namuxchaũãgu i norũ buxũ rü ngẽma rü ta name.

ARTICULO 27.

Rü name nixĩ na wũxichigũ i duĩxũ rü nataãẽxũ namaã ĩ guxũma ĩ mexũgũ i norũ ããnewa ngẽxmaxũ. Rü ngẽxguma nangẽxmagu i tacũ i mexũ ĩ ããneãrũ ixĩxũ rü name nixĩ na nũxũ nacuáxũ na guxũãrũ yĩĩxũ ĩ ngẽma.

Rü ngẽxguma texé naxũmatũgu i wũxi i popera rü ẽxna wũxi i naxchicũnaã taxũxgu rü namaã tataxegu, rü name nixĩ na tanayaxuxũ ĩ natanũ naxcax i tũmaãrũ puracũ.

ARTICULO 28.

Rü taxucũrũwa texé tanachũxu na meã ñãã popera nũxũ ixuxũrũũ namaxũxũ ĩ wũxi i duĩxũ.

ARTICULO 29.

Rü name nixĩ na wũxichigũ i duĩxũ rü meã norũ ããnecax napuracũxũ rü meã guxũ ĩ togũ i norũ ããnecũãxgũmaã namaxũxũ.

Rü name nixĩ na meã namaxẽxũ ĩ guxũma ĩ duĩxũgũ, natũrũ taxucũrũwa texé chixri naga taxĩnũ ĩ tũmaãrũ ãẽxgacũ. Rü tama name na wũxi i duĩxũ rü to i duĩxũmaã chixexũ naxũxũ.

Rü taxucũrũwa texé chixri naga taxĩnũ ĩ ngẽma nũxũ yaxuxũ ĩ ñãã popera erũ ñã nixĩ ĩ nagu naxĩnũẽxũ ĩ guxũma ĩ nachiũãnegũ i wũxigu rũxĩnũẽxũ.

ARTICULO 30.

Rü guxũ ĩ nachiũãnewa rü taxucũrũwa tacũ rü ãẽxgacũ chixri naga naxĩnũ ĩ ñãã popera. Rü name nixĩ na guxũma ĩ togũ i duĩxũgũ rü ta meã naga naxĩnũẽxũ ĩ ñãã popera. Erũ tanaxwaxe na meã namaxẽxũ ĩ guxũma ĩ duĩxũgũ ĩ ñãã popera nũxũ ixuxũrũũ.